

# **PLAN RADA**

**FEDERALNOG MINISTARSTVA UNUTRAŠNJIH POSLOVA -  
FEDERALNOG MINISTARSTVA UNUTARNJIH POSLOVA  
ZA 2010. GODINU**

**( SA Ž E T A K )**

Sarajevo, decembar 2009. godine

Na osnovu zaključka sa 125 sjednice Vlade Federacije BiH održane 24.11.2009. godine i odredbi Zakona o unutrašnjim poslovima Federacije BiH član. 2 stav 3. i 4. i člana 13. Zakona, federalni ministar unutrašnjih poslova donosi:

**PLAN RADA**  
**FEDERALNOG MINISTARSTVA UNUTRAŠNJIH POSLOVA - FEDERALNOG MINISTARSTVA**  
**UNUTARNJIH POSLOVA**  
**ZA 2010. GODINU**  
**(SAŽETAK)**

**MINISTARSTVO**

Federalno Ministarstvo će poduzimati sljedeće aktivnosti:

- Provođenje federalne politike iz oblasti unutrašnjih poslova;
- Sagledavanje sigurnosne situacije i predlaganje i donošenje mjera na njenom poboljšanju te efikasnijim radom policijskih službenika;
- Otvorenost i saradnja sa medijima u cilju što efikasnijeg, blagovremenog i istinitog informisanja građana o radu i aktivnostima organa unutrašnjih poslova;
- Otvorenost i transparentnost aktivnosti svih segmenata sigurnosnih akcija prema građanima;
- Stvaranje povoljnijeg pravnog okvira za efikasniju djelatnost organa unutrašnjih poslova – donošenje zakonskih i podzakonskih akata;
- Opremanje i materijalno-tehnička osposobljenost i jačanje ministarstva za obavljanje ustavnih i zakonskih funkcija;
- Analiza radnih mjesta uposlenika federalnog ministarstva unutrašnjih poslova radi uspostavljanja racionalne i efikasne organizacione strukture ministarstva;
- Organizaciono, materijalno-tehničko i kadrovsko jačanje policije u borbi protiv organiziranog kriminala 2010-2012 godine;
- Nastavit će se sa realizacijom Programa obnove, rekonstrukcije i razvoja Policijske akademije u skladu sa Planom i programom razvoja Policijske akademije za period 2007. - 2011. godina;
- Planirani projekti FMUP-a za period 2009-2012 godine kojim se podržava implementacija Akcionog plana za provođenje mjera iz dokumenta “Polazne osnove strategije sigurnosti drumskog saobraćaja 2008-2013 godine”;
- Praćenje i podrška reformi policije u BiH;
- Podrška projektu “uspostava boljih mehanizama saradnje policije i tužilaštava”;
- Dovođenje procesa uvođenja ISO standarda u Ministarstvu;
- Realizacija inicijative o pokretanju biltena Ministarstva;

- Jačanje instrumenata demokratske kontrole rada policije - praćenje realizacije;
- Realizacija aktivnosti iz oblasti pristupnih pregovora sa EU i to iz oblasti unutrašnjih poslova u cilju brže liberalizacije viznog režima;
- Stvaranje povoljnog sigurnosnog ambijenta za provođenje predizbornih i izbornih aktivnosti u BiH tokom 2010. godine;
- Tješnja saradnja sa predstavnicima međunarodne zajednice posebno: EUPM, OHR, Evropske komisije te EUFOR-a;
- Aktivna saradnja na planu međunarodnih odnosa u oblasti saradnje policijskih agencija na planu sprječavanja transnacionalnog kriminala na području Balkana i šire;
- Kontinuirana saradnja na području BiH između policijskih agencija, (SIPA, OSA, Granična policija, MUP RS, Distrikt Brčko, Kantonalni MUP-ovi; te ostalih nosilaca provođenja Zakona (Tužilaštva, Sudovi i dr.);
- Saradnja sa nosiocima izvršne i zakonodavne vlasti u FBiH (Vlada FBiH, Parlament FBiH);

Prema dosadašnjim analizama bit će potrebno donijeti sljedeće propise:

- Zakon o privatnim detektivima u Federaciji Bosne i Hercegovine, Zakon o unutrašnjim poslovima FBiH i Zakon o eksplozivnim materijama (navedeni propisi su u proceduri donošenja),
- Zakon o matičnim knjigama i Zakon o ličnom imenu,
- Zakon o požarima i vatrogastvu,
- Jačanje zakonitosti u provođenju politike u upravnim stvarima državljanstva,
- Postoji potreba za izmjenama i dopunama Zakona o agencijama za zaštitu ljudi i imovine,
- Ukoliko se prenesu nadležnosti od strane kantona na Federaciju bit će neophodno donijeti Zakon o nabavljanju, držanju i nošenju oružja.

Ministarstvo će težište svoje aktivnosti usmjeriti na:

- Intezivirati stručno usavršavanje o obrazovanje kadrova policijskih agencija i agencija za zaštitu ljudi i imovine,
- Donošenje programa školovanja, stručnog osposobljavanja i usavršavanja Federalnog i Kantonalnih ministarstava unutrašnjih poslova,
- Jačanje kontrole nad radom agencija za zaštitu ljudi i imovine,
- Jačanje kontrole nad pravnim subjektima nad kojima Federacija ima većinski kapital sa stanovišta zaštite, kao i nadzor nad provođenjem Uredbe o minimalnim mjerama zaštite finansijskih institucija,
- U okviru odobrenih budžetskih sredstava za 2010. godinu aktivnosti će biti usmjerene na osiguranje pravilne primjene i provođenje Zakona i drugih propisa iz oblasti računovodstva, finansija i javnih nabavki, vođenje finansijske i knjigovodstvene dokumentacije, strogo planiranje utroška budžetskih sredstava u skladu sa namjenama i visinom odobrenih sredstava,

- Posebna pažnja bit će posvećena funkcioniranju baze podataka o saobraćajnim nezgodama u Federaciji BiH i s tim u vezi ostvarivanje saradnje sa KMUP-ovima, Direkcijom cesta FBiH i drugim nosiocima ove aktivnosti;
- Obavljanje informaciono-dokumentacionih poslova za potrebe Ministarstva, kao i informatičko uvezivanje sa kantonalnim ministarstvima;
- Ministarstvo će pružati podršku radu Ureda za pritužbe javnosti;

### **FEDERALNA UPRAVA POLICIJE**

Prioriteti u 2010. godini:

- Rad na provođenju svih odluka koje donese Vlada Federacije BiH i Vijeće ministara BiH;
- Rad na unaprjeđenju unutrašnje organizacije Federalne uprave policije u skladu sa Zakonom o policijskim službenicima FBiH i Zakonom o unutrašnjim poslovima FBiH u cilju stvaranja optimalnijih uslova za rad;
- Provođenje Plana operativnih aktivnosti Federalne uprave policije i organizacionih jedinica za 2010. godinu u izvršavanju zakonskih obaveza;
- Stvoriti sigurno okruženje i smanjenje stope kriminaliteta;
- Jačati zakonitost u radu na način koji osigurava i održava povjerenje javnosti u vladavinu zakona;
- Razviti kapacitet Federalne uprave policije da strateški upravlja promjenama;
- Održati institucionalni razvoj;
- Realizacija projekata u funkciji ostvarenja strateških ciljeva;
- Iniciranje donošenja zakona i podzakonskih akata.

\* \* \*

U okviru obavljanja poslova iz svoje nadležnosti Federalno ministarstvo će neposredno provoditi federalnu politiku i izvršavati federalne zakone iz okvira svoje nadležnosti i o tome blagovremeno obavještavati Vladu Federacije BiH, predsjednika Federacije Bosne i Hercegovine i Parlament Federacije Bosne i Hercegovine. To se, prije svega, odnosi na dostavljanje redovnih mjesečnih, kvartalnih, polugodišnjih i godišnjih izvještaja o svom radu i stanju sigurnosti u Federaciji Bosne i Hercegovine. Također, u zavisnosti od aktuelnosti, Ministarstvo će pratiti provođenje sigurnosne politike u Bosni i Hercegovini i regionu i o tome, po potrebi, informirati nadležne državne organe.

Federalno ministarstvo će po potrebi ili na zahtjev zakonodavnih i izvršnih organa vlasti izrađivati parcijalne ili cjelovite informacije, te poduzimati radnje i djelovanje o pitanjima iz okvira svoje nadležnosti kada se za to ukaže potreba.

Federalno ministarstvo će, pored svih gore navedenih poslova i zadataka, obavljati i druge poslove iz svoje nadležnosti, a koji proizlaze ili će proizaći iz aktuelne društveno-političke i sigurnosne situacije u zemlji a koji nisu obuhvaćeni ovim Programom.

Na bazi ovog sažetog Plana rada sačinit će se i donijeti Okvirni program rada te Operativni plan rada za 2010. godinu sa dinamikom izvršenja planiranih poslova.

Sarajevo, decembar 2009. godine

**MINISTAR**

**Muhidin Alić**